

欽定八旗通志卷一百三十五

人物志十五

大臣傳一

滿洲鑲黃旗一

費英東

額亦都

什

偉齊

康喀賓

武進

車爾格

圖爾格

伊爾登

超哈爾

費英東

費英東姓瓜勒佳世居蘇完後隸滿洲鑲黃旗驍

果善射引強弓十餘石

太祖高皇帝創業之初隨其父蘇完部長索爾果首率所

金史卷一百三十三
部軍民五百戶來歸

太祖嘉之授一等大臣尙主有免沁巴顏者費英東女兄
之夫也謀逆費英東擒而誅之初征瓦爾喀部取
噶嘉路殺部長阿球降其衆以歸戊戌年正月同
台吉褚英等統兵千人再征瓦爾喀取安楚拉庫
路圍屯寨二十餘所屬人戶悉招降之丁未年正
月斐悠城長苦烏拉侵擾請內附費英東同貝勒
舒爾哈齊等遷之盡收其環城屯寨令侍衛扈爾

漢護五百戶先歸烏拉貝勒布占泰發兵萬人邀
諸路兩軍相持未決費英東率師繼至大敗之五
月討東海窩集部與貝勒巴雅喇等取赫席赫路
鄂謨和蘇嚕路佛訥赫托克索路俘二千人而還
辛亥年七月同台吉阿巴泰等取烏爾固辰穆稜
二路癸丑年正月從

太祖征烏拉同諸貝勒大臣力戰破敵乘勝奪門遂拔其

城尋

命與何和哩額亦都扈爾漢安費揚古爲五大臣佐理國
事天命四年二月明兵四路來侵一軍據薩爾渚
山巔賈英東率本旗兵進擊破之

太祖之征明取撫順也明兵來援礮驚費英東馬旁逸諸
軍不前費英東迴馬大呼揮諸軍並進遂破之

太祖拊髀歎曰萬人敵也從攻葉赫城上矢石雨下

太祖命之退對曰我兵已薄城下矣再

命之退對曰勢垂克必不退也竟拔其城費英東自少從

太祖征討諸國三十餘年身先兵士衝突堅陣當其鋒者

莫不披靡性忠直遇事敢言毅然不撓以功授一

等子世襲五年三月卒年五十有七

太祖聞之哀慟親臨其喪

太宗文皇帝天聰八年以其子察喀尼襲爵

賜勅免死二次崇德元年追封費英東直義公配享

太廟陪葬

福陵

太宗嘗

諭羣臣曰費英東見人不善必先自斥責而後劾之見人之善必先自獎勵而後舉之被劾者無怨言被舉者亦無驕色朕未聞諸臣以善惡直奏似斯人也順治十六年

世祖章皇帝念佐命勲臣

詔晉費英東世爵爲三等公康熙九年

聖祖仁皇帝御製碑文勒石紀勲雍正九年

世宗憲皇帝加公號曰信勇乾隆四十三年

上追念費英東忠勛晉世爵爲一等公子十人察喀呢

見大臣表第六子索海官副都統第七子圖賴官

都統功封一等雄勇公皆有傳

額亦都

額亦都姓鈕祜祿世居長白山後歸

太祖高皇帝隸滿洲鑲黃旗幼時父母爲人所害額亦都

以隣人匿之得免年十三手刃其仇避走嘉穆瑚

地依其姑居數歲

太祖過其地額亦都識爲真主請事

太祖白於姑姑止之不可遂從行歲癸未從

太祖討尼堪外蘭於圖倫城先登攻色克濟城掩敵無備

取之又別率兵攻舒勒格布占克其城額亦都驍

果善戰挽弓十石能以少擊衆所向克捷

太祖知其能日見信任丁亥年八月

命督兵取巴爾達城至渾河河漲不能涉以繩聯軍士魚

賈而渡夜薄其城率銳卒先登城中兵猝驚起拒
踣堞而戰飛矢貫股著於堞揮刀斷矢戰益力被
五十餘創不退卒拔其城而還

太祖迎於郊燕勞之其所俘獲悉以

賜遂

賜號巴圖魯薩克察之人寇也額亦都率數人禦敵敵敗
躡之夜入其城進攻連克尼瑪蘭城章嘉城索爾
瑚寨功最師還

上迎勞如初界藩有科什者以勇聞盜九馬遁單騎追斬之盡返所盜馬嘉穆瑚之貝琿巴顏謀叛附哈達命討之誅其父子五人以殉癸巳年九月葉赫合九國之師來侵

太祖陳兵古呼山命額亦都以百騎挑戰敵悉衆來犯奮擊殪九人敵却大兵繼之斬葉赫貝勒布齊九國之師皆潰遂乘勝畧諾賽寨及兆嘉村會我軍有齊法罕者戰歿額亦都直入敵陣以其尸還訥殷

路者九國之一也其長斡穩色克什旣敗歸復聚
七寨之衆據守佛多和山

命同大臣安費揚古噶蓋等以兵千人圍其寨三月下之

斡斡穩色克什

賜

上所乘馬以旌其勞丁未年五月同大臣費英東隨貝勒

巴雅喇征東海窩集部有功庚戌年十一月

命招撫窩集部之那木都魯綏芬寧古塔尼瑪察四路降

其長康果哩等十九人師旋乘勝擊取雅蘭路俘
萬人而還辛亥年十二月同額駙何和哩等征窩
集部之呼爾哈路克扎庫塔城詳見何和哩傳天
命二年同大臣安費揚古攻明馬哈丹花豹衝二
岔兒堡並克之四年明經畧楊鎬率六總兵統兵二
十餘萬分四路來侵大貝勒代善出禦明總兵杜
松王宣趙夢麟兵於撫順過扎喀關議駐師僻地
以俟

太祖

太宗文皇帝時爲四貝勒謂界藩山有築城夫役急往護
之宜耀兵向敵以壯夫役士卒之膽不當駐紮地
示弱衆議未決額亦都曰

貝勒之言是也遂進師界藩會

太祖帥兵亦至指揮夾擊大破明兵於吉林崖及薩爾滸
山明三總兵皆歿於陣還破明總兵馬林於尙間
崖劉綎於阿布達哩岡額亦都皆在事有功連歲

太祖親征各部之不用命者若哈達輝發烏拉葉赫以次
削平額亦都在行間輒爲軍鋒用兵垂四十餘年
未嘗挫衄每克敵受

賜輒分給將士之有功者不以自私

太祖特優遇之當天命建元之初國人有私訴於額亦都
者額亦都擅自聽斷

太祖以大臣不應聽受私訴恐一人獨斷必致生亂因罰
額亦都並著爲禁令然心知其忠誠

龍顧不少衰初妻以宗女後尚和碩公主與費英東等同
爲五大臣佐理國政累官至一等內大臣受爵二
等子天命六年卒於官年六十

太祖親臨哭之慟祭葬如禮

太宗文皇帝天聰八年以其子遏必隆襲一等子崇德元
年追封額亦都宏毅公配享

太廟陪葬

福陵順治十二年建碑墓道晉世爵爲二等公雍正十年

加公號曰果毅乾隆二十四年五月晉爲一等公
子十六人車爾格圖爾格伊爾登敖德超哈爾索
渾遏必隆均有傳額森見大臣表

覺羅拜山

子顧納岱孫莫洛渾

覺羅拜山滿洲鑲黃旗人

景祖翼皇帝第五弟寶朗阿之曾孫也天聰六年從

太祖高皇帝征明攻瀋陽斬其驍將號禿尾狼者明兵自

城南悉衆來戰復斬一副將降其衆既克遼東授

三等輕車都尉世職天聰入年從攻錦州不下環
守之復移師往攻寧遠錦州兵潛出驛我軍後拜
山與佐領巴希爭先還擊奮戰歿於陣

太宗文皇帝親臨其喪酌酒哭之

賜人戶牲畜贈三等男子顧納岱襲爵崇德三年從征明
擊敗明兵於山海關追奔至豐潤又敗之時我軍
有出取芻束者爲敵所乘顧納岱馳往奮擊整衆
以歸至山東敗明內監馮永盛總兵侯世祿軍攻